

UNIVERZITET U TUZLI

**Akademija dramskih umjetnosti
(pozorište, film, radio i TV)**

**STUDIJSKI PROGRAM II CIKLUSA STUDIJA
ODSIJEK:GLUMA**

**s primjenom od ak. 2016/2017. godine
/ OPŠTE ODREDBE /**

Tuzla, 12.04.2016. godine

I OPĆI DIO STUDIJSKOG PROGRAMA

1. Stručni i akademski naziv i stepen koji se stiže završetkom studija I ciklusa

Završetkom studija II ciklusa student stiže akademsko, odnosno stručno zvanje **Magistar umjetnosti Glumac** u skladu sa Pravilnikom o akademskim i stručnim zvanjima i načinu njihovog korištenja koji donosi Ministarstvo obrazovanja, nauke, kulture i sporta Tuzlanskog Kantona. Uz diplomu studentu se izdaje i Dodatak diplome (suplement).

2. Uslovi i upis na studijski program

Pravo učešća na Konkursu za upis na drugi ciklus studijskog programa-odsjeka GLUMA imaju kandidati državljani Bosne i Hercegovine, strani državljani i lica bez državljanstva sa završenim prvim ciklusom studija studijskog programa-odsjeka Gluma, u četve-rogodišnjem trajanju, u Bosni i Hercegovini, kao i kandidati koji su prvi ciklus studija studijskog programa-odsjeka Gluma, u četvorogodišnjem trajanju, završili izvan Bosne i Hercegovine, a za koje je nakon postupka akademskog priznavanja utvrđeno da imaju završeno odgovarajuće obrazovanje prvog ciklusa studija.

Klasifikacija i izbor kandidata za upis vrši se na osnovu rezultata prvog ciklusa studija kao i kriterija u skladu sa Pravilima drugog ciklusa studija Univerziteta u Tuzli.

3. Naziv i ciljevi studijskog programa

Studijski program nosi naziv **Drugi ciklus studija Gluma** i usklađen je sa obavezama Akademije dramskih umjetnosti studijskog programa-odsjeka GLUMA da redovno inovira nastavne planove i programe, u zavisnosti od novih zahtjeva na tržištu rada kao i potreba za kadrovima iz oblasti umjetnosti produkcije. Nastavni planovi i programi prilagođeni su zahtjevima Zakona o visokom obrazovanju i standardima kojima se reguliše visoko obrazovanje u Bosni i Hercegovini, što podrazumijeva potpuno prilagođavanje Bolonjskim principima i novi sistem organizovanja nastave i kontinuiranog ocjenjivanja studenata.

Studenti slušaju dvije grupe predmeta (obavezni i izborni) čijim polaganjem ostvaruju različit broj ECTS. Primjena ovog nastavnog plana i programa je od ak. 2016/2017. godine.

Ciljevi studijskog programa su slijedeći:

1. Dalje kultiviranje individualnih, predisponentnih sposobnosti studenata.
2. Normiranje stručno umjetničkih i pedagoških kriterija za kultiviranje individualnih kreativnih sposobnosti studenata kroz umjetničko-nastavni, pedagoški i stručno-umjetnički proces rada.
3. Zrelost individualnog, analitičkog i kritičkog razmišljanja u oblasti umjetnosti glume;
4. Razvijanje individualnosti i stilske osobenosti pojedinca studenta u okviru klase-studijske grupe;
5. Razvijanje individualnog pristupa timskom radu u okviru klase-studijske grupe;
6. Razvijanje interesa i spremnosti za cjeloživotno učenje i umjetničko istraživanje;
7. Orijentacija ka samostalnom, individualnom, eksperimentalnom, istraživačkom radu, te stručno-umjetničkom pristupu u rješavanju problema u oblasti umjetnosti glume u svim medijima upražnjavanja (pozorište, film, radio i TV);
8. Upoznavanje sa metodama, tehnikama i alatima istraživanja stila historijske epohe u oblasti umjetnosti glume;
9. Zrelost, automomija i autentičnost vlastitog stava o suštinskim estetskim i etičkim normama upražnjavanja vještine umjetnosti glume;
10. Razvijanje senzibilnosti i prijemčivosti za drugačije mišljenje i podnošenje kritičkog stava o vlastitom umjetničkom radu;

11. Razvijanje senzibilnosti za podizanje kvaliteta studija na viši nivo u skladu sa važećim međunarodnim standardima;
12. Razvijanje senzibilnosti za adekvatno povezivanje, historije, nauke, prakse, eksperimenta, kao i osobne vještine i sklonosti u oblasti upražnjavanja umjetnosti glume;
13. Uspostavljanje odgovarajućeg odnosa između stručno-umjetničkih i teorijsko-umjetničkih predmeta sa težištem na stručno-umjetničkim predmetima.

4. Trajanje II ciklusa i ukupan broj ECTS bodova

Drugi ciklus studija traje jednu godinu (dva semestara) i vrednuje se sa **60 ECTS** bodova. Studijska godina se organizuje u dva semestra (zimski i ljetni), od kojih svaki ima **15** nastavnih sedmica.

5. Kompetencije i vještine koje se stiču kvalifikacijom (diplomom)

Osposobljenost za rad i zapošljavanje na poslovima i radnim zadacima **najveće složenosti**, po kvantitetu i kvalitetu, iz oblasti **umjetnosti glume**, u svim oblicima praktiranja i u svim medijima, (pozorište, film, radio i TV), u projektima **samostalne i kolektivne stručno-umjetničke realizacije** u samostalnoj koncepciji i u koncepciji reditelja, umjetničkog voditelja-direktora ili urednika programa, a u samostalnom ili u angažmanu postojećih formalno-pravnih i organizacionih oblika produkcije i realizacije.

Detaljni pregled stečenih kompetencija i ishoda učenja:

Student završetkom drugog ciklusa studija može obavljati sljedeće poslove i radne zadatke: (**Glumac, demonstrator, animator, voditelj, promoter, moderator, performer, asi-stent u projektu, umjetnički voditelj projekta, direktor projekta, asistent na Akademiji dramskih umjetnosti, umjetnički voditelj teatra i direktor teatra**) uz najviši stupanj osobne, etičke, estetske, organizaciono-produkcione i profesionalne odgovornosti u realizaciji umjetnosti glume.

6. Uslovi prelaska sa drugih studijskih programa u okviru istih ili srodnih oblasti studiranja

Studentu Univerziteta se može omogućiti prelazak sa jednog studijskog programa na drugi studijski program pod uslovima i postupku utvrđenim Pravilima studiranja na II ciklusu studija na Univerzitetu u Tuzli.

Studentu drugog Univerziteta može se omogućiti prelazak sa **istorodnih** akreditovanih studijskih programa II ciklusa, na studijski program Akademije dramskih umjetnosti, studijski program **Gluma** pod uslovima i postupku utvrđenim Pravilima studiranja II ciklusu studija na Univerzitetu u Tuzli.

Pod **istorodnim** studijskom programom smatra se studijski program II ciklusa studija **Gluma**.

7. Spisak obaveznih i izbornih predmeta II ciklusa studija studijskog programa Gluma sa primjenom od ak. 2016/17 godine:

I semestar

II semestar

Obavezni krediti	Zimski semestar				ljetni semestar			
	P	A	L	ECTS	P	A	L	ECTS
Predmet								
Gluma IX	2	1	-	8				
Gluma na filmu i TV	2	1	-	8				
Osnovi režije	2	0	-	8				
Izborni nastavni predmet*								
Gluma X					1	1		6
Završni rad II ciklusa: predstava, projekat-uloza, (teatar, film i TV)					2	2	-	12
Izborni nastavni predmeti*								
UKUPNO OBAVEZNIH	6	2		24	3	3		18

Izborni krediti	Zimski semestar				ljetni semestar			
	P	A	L	ECTS	P	A	L	ECTS
Predmet								
Scenski govor IX	1	1	-	6				
Tehnika glasa IX	1	1	-	6				
Scenski pokret IX	1	1	-	6				
Scenski govor X					1	1	-	6
Tehnika glasa X					1	1	-	6
Scenski pokret X					1	1	-	6
Scenske igre II					1	1	-	6
Ukupno izbornih		2		6		4		6

8. Način izbora izbornih predmeta:

Nastavni predmeti-kolegiji koncipirani su modularno prema grupama tematskih jedinica i prema fondu kontakt sati predavanja i vježbi, utvrđeni su Nastavnim planom i programom, a dijele se na **osnovne-obavezne i stručno-izborne**.

U osnovne-obavezne predmete-kolegije spadaju svi predmeti iz uže umjetničke oblasti: „**GLUMA**“, koji su utvrđeni Nastavnim planom i programom.

U nastavnom planu i programu nude se tri stručno-izborna predmeta-kolegija u prvom-zimskom semestru, od kojih student bira jedan, a u drugom-ljetnom semestru četiri predmeta-kolegija, od kojih student bira dva. Na listi izbornih predmeta nalaze se predmeti koji mogu obogatiti i proširiti znanja i vještine iz osnovnih predmeta kao i završnog rada II ciklusa studija Gluma. Izborni predmeti za koje se studenti odluče postaju za njih obavezni predmeti. Ove predmete studenti biraju uz konsultaciju sa predmetnim nastavnikom-šefom klase i prema svojim studijskim interesovanjima.

9. Uslovi upisa u sljedeći semestar, odnosno narednu godinu studija, te način završetka studija

Student drugog ciklusa studijskog programa Gluma Akademije dramskih umjetnosti, koji je izvršio sve obaveze utvrđene nastavnim planom i programom, nakon položenih nastavnih predmeta-kolegija prethodnog semestra i upisanog drugog semestra, priprema završni rad drugog ciklusa studija: projekat-predstava (teatar, film, TV, institucija kulture).

Nakon upisanog drugog semestra studija u okviru II ciklusa studija, student priprema i polaže **završni rad II ciklusa studijskog programa Gluma** na temu iz stručno-umjetničkih predmeta i oblasti studija, uz mentorstvo relevantnih predmetnih nastavnika.

Završni rad II ciklusa studija je ispitni program sa obaveznom servisiranjem nastave u planiranom fondu sati predavanja i vježbi, koji se priprema i polaže u toku ili nakon drugog semestra, a može biti izveden u svim medijima upražnjavanja vještine umjetnosti glume (teatar, film, radio i TV).

Temu, završnog rada II ciklusa studija: predstave-projekta-ulože mogu predložiti studenti, a odobrava mentor. Završni rad II ciklusa studijskog programa Gluma može se polagati u studijskim i izvanstudijskim prostornim uvjetima, u izuzetnim situacijama, zatvoren za javnost, pred komisijom, snimljen video tehnikom te pohranjen u dosije studenata kao trajni dokument u ovisnosti od procjene i prijedloga mentora.

Student dobija diplomu i soplement diplome o završenom II ciklusu studija studijskog programa Gluma kada položi zadnji ispit predviđen nastavnim planom i programom i kada ostvari 60, odnosno (I+II ciklus) 300 ECTS bodova-kredita, bez obzira na polaganje završnog rada II ciklusa studija Gluma.

10. Druga pitanja od značaja za izvođenje studijskog programa

Sva druga pitanja vezana za studiranje drugog ciklusa studija studijskog programa-odsieka **Gluma** sadržana su u silabusima za izvođenje programskih sadržaja predviđenih ovim nastavnim planom, koji su sastavni dio ovog studijskog programa.